



**CONVOCATORIA DE AXUDAS PARA O TRANSPORTE URBANO
NA CIDADE DA CORUÑA E
PARA AS ÁREAS DE TRANSPORTE METROPOLITANO DA CORUÑA E DE FERROL
CURSO 2019-2020**

OBXECTO E PERSOAS BENEFICIARIAS

A Universidade da Coruña (UDC) convoca **2.570 axudas para o transporte urbano na cidade da Coruña ou para transporte metropolitano da Coruña e Ferrol** destinadas ao alumnado da UDC que estea matriculado no curso 2019-2020 dun mínimo de 30 créditos ou dos que lle resten para finalizar unha titulación oficial no Campus da Coruña ou no Campus de Ferrol e cumpra os requisitos esixidos nesta convocatoria.

Non poderá gozar desta axuda o alumnado que estea realizando unha mobilidade estatal (SICUE) ou internacional (ERASMUS e asimilables) no curso 2019/2020, independentemente da duración da estada, nin aquel alumnado que estea en planos de estudos sen dereito a docencia.

NORMAS DE APLICACIÓN

A esta convocatoria seralle de aplicación a seguinte normativa, así como os criterios económicos e patrimoniais regulados nela:

- Real Decreto 1721/2007, do 21 de decembro, polo que se establece o réxime de bolsas e axudas ao estudo personalizadas (BOE do 17 de xaneiro)
- Real Decreto 430/2019 do 12 de xullo, polo que se establecen os límites da renda e patrimonio familiar e as contías das bolsas e axudas ao estudo para o curso 2019-2020 (BOE núm. 167 do 13 de xullo)
- Resolución da Secretaría de Estado de Educación, Formación Profesional pola que se convocan bolsas de carácter xeral para o curso académico 2019-2020 para estudantes que cursen estudos postobrigatorios (Extracto resolución BOE núm. 182 do 29 de xullo)

MODALIDADES E CONDICIÓNS DE DISFRUTE DAS AXUDAS

As modalidades de axudas serán dúas:

- unha destinada ao transporte urbano da cidade da Coruña e
- outra destinada ao transporte metropolitano das Áreas Metropolitanas da Coruña e de Ferrol.

O alumnado debe solicitar a tarxeta que lle corresponda por residencia durante o curso académico. Se solicitara outra tarxeta, debe xustificalo documentalmente.

Para poder beneficiarse destas axudas no transporte urbano da Coruña ou metropolitano será requisito inescusable estar en posesión de:

- **Tarxeta Millenium** no caso do transporte urbano na cidade da Coruña.
Para axilizar a xestión da axuda, no caso de non teren a citada tarxeta, deberá solicitala acudindo ás oficinas municipais da Estación de Autobuses da Coruña (Rúa Caballeros, 21) ou no Rexistro Auxiliar do Centro Sociocultural ÁGORA (Lugar Gramela nº 17).
- **Tarxeta do Transporte Metropolitano de Galicia (TMG)** para as áreas metropolitanas:
 - a) No caso do alumnado da UDC que curse estudos na Coruña, os desprazamentos bonificados son os desprazamentos entre calquera concello da Área de Transporte Metropolitano da Coruña e os Concellos da Coruña e de Oleiros nos que se localizan as dependencias universitarias.



A relación de concellos que integran a ATM da Coruña aparece recollida no seguinte enlace web: <http://tmg.xunta.gal/area-da-coruna>

b) No caso de alumnado da UDC que cursa os estudos en Ferrol, os desprazamentos bonificados neste caso son os desprazamentos entre calquera dos concellos da Área de Transporte Metropolitano de Ferrol e o Concello de Ferrol no que se localizan as dependencias universitarias.

A relación de concellos que integran a ATM de Ferrol aparece recollida no seguinte enlace web: <http://tmg.xunta.gal/area-de-ferrol>

En ningún caso se aplicarán estas bonificacións aos desprazamentos que se realicen fóra das ATM citadas ou que supoñan relacións entre concellos que pertencen a dúas áreas metropolitanas distintas.

O alumnado que curse estudos na Facultade de Ciencias do Deporte e a Educación Física e resida no Concello da Coruña, terá que estar en posesión da TMG para poder beneficiarse da axuda. A tarxeta Millenium non da dereito a esta bonificación.

A TMG debe adquirirse ao prezo unitario establecido nas oficinas da entidade bancaria colaboradora no Plan de Transporte Metropolitano de Galicia no seguinte enlace web: <https://tmg.xunta.gal/oficinas>

O aboamento das axudas a través da TMG farase efectivo para as persoas beneficiarias no momento en que estas efectúen a recarga da tarxeta a finais do mes seguinte a aquel no que comecen a aplicarse as axudas. As persoas beneficiarias dispoñen dun prazo de dous meses para efectuar a recarga da axuda. No caso de non facela neste prazo esta recarga caducará e perderán o dereito a percibir a axuda. As persoas beneficiarias das axudas poden consultar o estado das súas recargas no seguinte enlace: <http://tmg.xunta.gal/consulta-tarxeta>

No caso da tarxeta Millenium para transporte urbano da Coruña, o alumnado terá un prazo de dous meses para activala desde a resolución definitiva da convocatoria. No caso de non facelo así perderá o dereito a axuda. A tarxeta Millenium poderá ser utilizada no curso seguinte por aquel alumnado que non esgotara a totalidade das viaxes subvencionadas e continúe estudos na UDC para o curso seguinte, ata esgotar as viaxes ou ata o 31 de novembro de 2020.

O número máximo de cursos que un alumno/a pode gozar desta axuda será:
Para os estudos das ramas de enxeñaría e arquitectura: dous cursos máis dos establecidos no plano de estudos
Para o resto dos estudos: un curso máis dos establecidos no plano de estudos.

CONTÍA DAS AXUDAS

O importe máximo da subvención será de **114€** (en viaxes) para os primeiros 2.070 estudantes con axuda, de acordo cos criterios de adxudicación desta convocatoria

- a) No caso da **tarxeta urbana da Coruña Millenium**:
300 viaxes a un prezo para o/a alumno/a de 0,30€/viaxe
- b) No caso das áreas de transporte metropolitano (ATM) e usando a tarxeta de transporte metropolitano de Galicia (TMG) o importe máximo da subvención será de 114€ (en viaxes).

O prezo varía dependendo do número de saltos de acordo co seguinte cadro:

SALTOS	PREZO TMG	% BONIFICACIÓN	CONTÍA BONIFICADA	PREZO CON BONIFICACIÓN
0 ou 1	0,88	50%	0,44	0,44
2	1,34	40%	0,81	0,81
3	1,90	35%	1,24	1,24
4	2,31	30%	1,62	1,62

Para os seguintes 500 estudantes con axuda e con tarxeta *Millenium*, disporán de 300 viaxes a un prezo de 0,50€/viaxe

FINANCIAMENTO

O financiamento destas axudas, polo importe de 262.980€, farase con cargo á partida orzamentaria 0300030026 422D 48001 "AXUDAS BONO-BUS" da UDC.

Concederanse 2.570 axudas ás solicitudes que cumpran os requisitos establecidos nesta convocatoria podendo ser incrementado o número de axudas en función da dispoñibilidade orzamentaria.

CRITERIOS DE ADXUDICACIÓN

As axudas concederanse en función da Renda Persoal Dispoñible (de menor a maior RPD), definida esta como a renda familiar da persoa solicitante, calculada segundo establece Real Decreto 439/2019 do 12 de xullo, polo que se establecen os límites da renda e patrimonio familiar e as contías das bolsas e axudas ao estudo para o curso 2019-2020 (BOE núm. 182 do 31 de xullo).

No caso de empate, concederase a axuda ao solicitante coa nota media máis alta no expediente académico ou nas probas de acceso á Universidade, no caso dos alumnos que inicien estudos universitarios.

En ningún caso se poderá recibir esta axuda cando a RPD sexa superior os 14.000€

SOLICITUDES E DOCUMENTACIÓN

As solicitudes deberán cumprimentarse a través da aplicación informática á que se accede dende:

<https://aplicacions.sic.udc.es/SolicitudBonobus> ou

<https://servizos.udc.es>

Unha vez cumprimentada a solicitude, esta deberá ser impresa e asinada pola persoa solicitante e polos demais membros computables da familia, maiores de 14 anos.

As sinaturas deben ser orixinais.

Xunto coa solicitude, terá que achegar a documentación relacionada no Anexo II desta convocatoria.

LUGAR DE PRESENTACIÓN DAS SOLICITUDES

As solicitudes presentarase de luns a venres en horario de 09:00h a 14:00h, en:

A Coruña: no Servizo de Estudantes - Negociado de Bolsas, no Pavillón de Estudantes-Campus de Elviña

Ferrol: no SAPE - Edificio de Apoio ao Estudo, andar baixo - Campus de Esteiro

Ou por calquera dos procedementos sinalados no art. 16 da Lei 39/2015 de 1 de outubro de procedemento administrativo común das administracións públicas.

PRAZO DE PRESENTACIÓN DAS SOLICITUDES

O prazo de presentación das solicitudes será **desde o día seguinte á publicación desta convocatoria no taboleiro de anuncios da Sede electrónica da UDC ata as 14h do venres 25 de outubro de 2019.**

RESOLUCIÓN

Unha vez que remate o proceso de avaliación das solicitudes publicarase a relación provisional das solicitudes concedidas e denegadas, xunto coa causa que implica a súa denegación. As persoas interesadas disporán dun prazo de sete días hábiles para achegaren a documentación que permita emendar os erros que se apreciaren. Posteriormente publicaranse as relacións definitivas das solicitudes concedidas e denegadas.

Todas as listaxes publicaranse no taboleiro de anuncios da Sede Electrónica da UDC. Esta publicación, así como os sucesivos actos de procedemento de concesión cuxa publicación se determina nesta convocatoria, cumprirán cos efectos previstos no artigo 45 da Lei 39/2015 do 1 de outubro de procedemento administrativo común das administracións públicas.

PROTECCIÓN DE DATOS

En cumprimento do artigo 13 do Regulamento (UE) 2016/679, do Parlamento Europeo e do Consello, de 27 de abril, relativo á protección das persoas físicas no que respecta ao tratamento de datos persoais e á libre circulación destes datos (“Regulamento Xeral de Protección de Datos” ou RXPDP), e do artigo 11 da Lei Orgánica 3/2018, de 5 de decembro, de protección de datos persoais e garantía dos dereitos dixitais (LOPD), informamos que os datos que a persoa interesada facilite mediante a concurrencia a esta convocatoria, serán tratados baixo a responsabilidade da Universidade da Coruña (UDC), sendo os seus datos de contacto Rúa Maestranza 9, 15001, A Coruña, teléfono 981167000, correo electrónico secretariaxeral@udc.gal

A solicitude dunha axuda para o transporte urbano na cidade da Coruña e para ás áreas de transporte metropolitano da Coruña e de Ferrol, implica a aceptación do contido da convocatoria e a autorización para que os seus datos persoais sexan utilizados pola Universidade e cedido ao Concello da Coruña para unha xestión máis eficiente, de acordo coa LOPD, coa finalidade da correcta xestión das bolsas. Todas as persoas que entren en contacto con estes datos coa citada finalidade cumprirán o deber de confidencialidade establecido no artigo 5 da Lei Orgánica 3/2018, de 5 de decembro, de Protección de Datos Persoais e Garantía dos Dereitos Dixitais (LOPD).

Mediante a concurrencia a esta convocatoria, a persoa interesada consente expresamente na publicación dos seus datos na resolución da solicitude nos Taboleiros físicos da UDC e dentro do Taboleiro Oficial da Sede electrónica da UDC, na forma prevista na Disposición Adicional 7ª da Lei orgánica 3/2018, de protección de datos persoais. A resolución desta convocatoria permanecerá publicada en tales Taboleiros. Os datos persoais serán conservados mentres resulten necesarios para as finalidades do tratamento e, en todo caso, durante os prazos establecidos pola lexislación vixente, sen prexuízo do previsto en relación co exercicio do dereito de supresión e outros dereitos contemplados na Lei Orgánica de Protección de Datos Persoais.



A persoa interesada consinte o tratamento dos datos aos efectos de cumprir coa finalidade descrita nesta convocatoria, e terá dereito a retirar o seu consentimento en calquera momento, sen efectos retroactivos. Ten dereito a solicitar ao responsable do tratamento, en calquera momento, o acceso, rectificación ou supresión dos seus datos persoais e a limitación do seu tratamento. Tamén terá dereito a opoñerse ao citado tratamento, así como a solicitar, salvo casos de interese público e/ou exercicio de poder público, a portabilidade dos seus datos. Tales dereitos poderá exercelos mediante solicitude remitida á seguinte dirección: Secretaría Xeral, Reitoría da Universidade da Coruña, Rúa Maestranza 9, 15001 de A Coruña ou ao correo electrónico secretariaxeral@udc.gal, coa referencia "protección de datos", a través dun escrito firmado ao efecto achegando fotocopia do seu DNI. Igualmente poderá dirixir esta solicitude directamente ao Delegado de Protección de Datos, á mesma dirección postal anteriormente indicada, ou ao correo electrónico dpd@udc.gal. Asemade, ten dereito a presentar unha reclamación ante a Axencia Española de Protección de Datos (AEPD).

A Coruña, 4 de outubro 2019
O reitor

Julio E. Abalde Alonso



ANEXO I

AUTORIZACIÓN PARA OBTEN DATOS DA AXENCIA TRIBUTARIA

A presentación de solicitude de axuda ao transporte coa sinatura do solicitante e demais membros computables da familia implicará a autorización á UDC para obter a través das correspondentes administracións tributarias, os datos necesarios para determinar a renda e o patrimonio familiar dos membros computables da familia do/a solicitante a efectos desta convocatoria, así como aquelas outras informacións acreditativas das situacións persoais alegadas e que estean en poder dalgunha administración pública. Para iso é imprescindible que as solicitudes sexan asinadas por todos os membros computables da familia.

No caso de que a solicitude de axuda para transporte sexa formulada por persoas que formen parte de unidades familiares nas que as Administracións Tributarias non dispoñan de datos, será o/a propio/a solicitante quen debe aportar información fidedigna sobre a situación económica e renda da súa unidade familiar.

Do mesmo xeito, si existen dificultades técnicas que impidan ou dificulten a cesión dos datos por parte das administracións tributarias, requirirase ao/á solicitante a presentación do certificado resumo da declaración anual do imposto da renda das persoas físicas ou o certificado de imputacións, de ser o caso, dos membros computables da súa familia.

CÁLCULO DA RENDA FAMILIAR (*artigo 9 do RD 430/2019 do 12 de xullo*):

Aos efectos desta convocatoria a renda familiar calcularase como segue:

1.- A renda familiar obterase pola agregación das rendas de cada un dos membros computables da familia que obteñan ingresos de calquera natureza, calculadas segundo se indica nos parágrafos seguintes e de conformidade coa normativa reguladora do Imposto sobre a Renda das Persoas Físicas estatal. Para os efectos desta convocatoria computarase o exercicio 2018.

2.- Para a determinación da renda dos membros computables que presentaran declaración polo imposto sobre a renda das persoas físicas, procederase do seguinte modo:

a) Sumarase a base imponible xeral coa base imponible do aforro, excluíndose todos os saldos netos negativos de ganancias e perdas patrimoniais de 2014 a 2017 e o saldo neto negativo de rendementos do capital mobiliario de 2014 ao 2017 a integrar na base imponible do aforro.

b) Deste resultado restarase a cota resultante da autoliquidación.

3.- Para a determinación da renda dos membros computables que obteñan ingresos propios e non presentaran declaración polo Imposto sobre a Renda das Persoas Físicas, seguirase o procedemento descrito no parágrafo a) anterior e do resultado obtido restarase os pagos a conta efectuados.

Deducións da renda familiar: (*artigo 10 do RD 430/2019 do 12 de xullo*):

No curso 2019-2020, aplicaranse as seguintes deducións da renda familiar:

a) O 50% dos ingresos aportados por calquera membro computable da familia distinto dos sustentadores principais.

b) 525 euros por cada irmán/irmá que sexa membro computable e conviva no domicilio familiar, incluído o solicitante, cando se trate de familias numerosas de categoría xeral, e 800 euros para familias numerosas de categoría especial, sempre que teña dereito a este beneficio. Cando sexa o propio/a solicitante o titular da familia numerosa, as cantidades sinaladas serán computadas en relación cos fillos que a compoñan. Esta dedución será de até 2000€ na convocatoria de axudas para o alumnado con necesidade específica de apoio educativo.

c) 1.811 euros por cada irmán/irmá ou fillo/a do/a solicitante ou o/a propio/a solicitante que presente discapacidade legalmente recoñecida de grao igual ou superior ao 33%; ou 2.881 euros cando a discapacidade sexa de grao igual ou superior ao 65%. Esta dedución será de



4000 euros polo solicitante e outro tanto por cada un dos seus irmáns con discapacidade legalmente cualificada de grao igual ou superior ao 33% na convocatoria de axudas para alumnado con necesidade específica de apoio educativo.

d) 1.176 euros por cada irmán do solicitante menor de 25 anos ou o propio solicitante que curse estudos universitarios e resida fóra do domicilio familiar, cando sexan dous ou máis os estudantes con residencia fóra do domicilio familiar por razón de estudos universitarios.

e) O 20% da renda familiar cando o solicitante sexa orfo absoluto e menor de 25 anos.

Outros límites indicativos (*artigo 11 do RD 430/2019 do 12 de xullo*):

Independentemente de cal sexa a renda familiar calculada segundo o disposto nos apartados anteriores, denegarase a solicitude da axuda para transporte para o curso 2019-2020 cando se superen os límites indicativos de patrimonio familiar que se fixan a continuación:

1.- A suma dos valores catastrais das fincas urbanas que pertencen aos membros computables da familia, excluída a vivenda habitual, non poderá superar 42.900 euros. No caso de inmobles nos que a data de efecto da última revisión catastral estivera comprendida entre o 1 de xaneiro de 1990 e o 31 de decembro de 2002, multiplicaranse os valores catastrais por 0,49. No caso de que a data da mencionada revisión fora posterior ao 31 de decembro de 2002, os valores catastrais multiplicaranse polos coeficientes seguintes:

Por 0,43 os revisados no 2003

Por 0,37 os revisados no 2004

Por 0,30 os revisados no 2005

Por 0,26 os revisados no 2006

Por 0,25 os revisados no 2007

Por 0,25 os revisados no 2008

Por 0,26 os revisados no 2009

Por 0,28 os revisados no 2010

Por 0,30 os revisados no 2011

Por 0,32 os revisados no 2012

Por 0,34 os revisados no 2013

Por 0,36 os revisados no 2014

Por 0,36 os revisados no 2015

Por 0,36 os revisados no 2016

Por 0,36 os revisados en 2017

Por 0,36 os revisados no 2018

Nos inmobles enclavados na Comunidade Foral de Navarra o valor catastral multiplicarase en todo caso por 0,50.

A Dirección Xeral do Catastro facilitará a relación de municipios que correspondan a cada unha das situacións indicadas, para os efectos de aplicación do coeficiente de ponderación.

2.- A suma dos valores catastrais das construcións situadas en fincas rústicas, excluído o valor catastral da construción que constituía a vivenda habitual da familia non poderá superar os 42.900€, sendo aplicables as citadas construcións os coeficientes multiplicadores en función do ano no que se efectuara a última revisión catastral que se establece no apartado anterior.

3.- A suma dos valores catastrais das fincas rústicas excluídos os valores catastrais das construcións que pertencen aos membros computables da familia non poderá superar 13.130€ por cada membro computable.

4.- A suma dos rendementos netos reducidos do capital mobiliario máis o saldo neto positivo de todas as ganancias e perdas patrimoniais pertencentes aos membros computables da familia non poderá superar os 1.700 euros



Non se incluírán nesta suma as subvencións recibidas para adquisición ou rehabilitación da vivenda habitual, a renda básica de emancipación, nin o importe dos premios en metálico ou en especie obtidos pola participación en xogos, concursos, rifas ou combinacións aleatorias inferiores a 1.500 euros. As ganancias patrimoniais derivadas dos mencionados premios computaranse segundo a normativa do IRPF.

O valor destes elementos indicativos de patrimonio determinarase de conformidade co disposto na normativa estatal do IRPF polos seu valor a 31 de decembro de 2018.

5.- Cando sexan varios os elementos indicativos do patrimonio descritos nos apartados anteriores de que dispoñan os membros computables da familia, calcularase a porcentaxe do valor de cada elemento respecto ao límite correspondente. Denegarase a axuda para transporte cando a suma das referidas porcentaxes supere o valor cen.

6.- Tamén se denegará a axuda para transporte cando se comprobe que a suma dos ingresos que se indican a continuación obtida polos membros computables da familia supere a cantidade de 155.500 euros:

a) Ingresos procedentes de actividades económicas en estimación directa ou en estimación obxectiva.

b) Ingresos procedentes dunha participación dos membros computables igual ou superior ao 50% en actividades económicas desenvolvidas a través de entidades sen personalidade xurídica ou calquera outra clase de entidade xurídica, unha vez aplicado aos ingresos totais das actividades a porcentaxe de participación nas mesmas.

7.- Para os efectos do cómputo do valor dos elementos a que se refiren os parágrafos anteriores, deducirase o 50% do valor dos que pertencen a calquera membro computable da familia, excluídos os sustentadores principais.

MEMBROS COMPUTABLES

1.- Para o cálculo da renda familiar a efectos desta convocatoria, serán membros computables os pais ou, no seus caso, o titor ou persoa encargada da garda e protección do menor, quen terán a consideración de sustentadores principais da familia.

Tamén serán membros computables o solicitante, os irmáns solteiros menores de 25 anos e que convivan no domicilio familiar a 31 de decembro de 2018 ou, os de maior idade cando se trate de persoas con discapacidade física, psíquica ou sensorial; así como os/as ascendentes dos pais que xustifiquen a súa residencia no mesmo domicilio que os anteriores co certificado municipal correspondente.

No caso de **solicitantes que constitúan unidades familiares independentes,** consideraranse membros computables e sustentadores principais o solicitante e o seu cónxuxe, a súa parella, rexistrada ou non, a quen estea unida por análoga relación. Tamén serán membros computables os fillos, se os houber, e que convivan no mesmo domicilio.

2.- No caso de divorcio ou separación legal ou de feito dos pais non se considerará membro computable aquel deles que non conviva co solicitante de bolsa. Non obstante, no seu caso, terá a consideración de membro computable e sustentador principal o novo cónxuxe, parella, rexistrada ou non, ou persoa unida por análoga relación cuxas rendas e patrimonio incluíranse dentro do cómputo da renda e patrimonio familiares.

Ademais terá a consideración de membro computable a persoa con ingresos propios, que, na referida data conviva no domicilio co solicitante cando non medie relación de parentesco e non se poda xustificar un aluguer de piso compartido.

Cando o réxime de custodia dos fillos sexa o de custodia compartida consideraranse membros computables o pai e a nai do solicitante, os fillos comúns e os ascendentes do pai ou da nai que xustifiquen a súa residencia no mesmo domicilio que os anteriores co certificado municipal correspondente.



3.- Nos supostos en que o **solicitante da axuda sexa un menor en situación de acollemento** será de aplicación a familia de acollida o disposto nos parágrafos anteriores. Cando se trate dun maior de idade terá a consideración de non integrado na unidade familiar para estes efectos, sempre e cando de feito non subsistan as circunstancias de integración coa familia de acollida e así se acredite debidamente.

4.- Nos casos nos que o **solicitante alegue a súa emancipación ou independencia familiar e económica**, calquera que sexa o seu estado civil, deberá acreditar documentalmente esta circunstancia, e que conta cos medios económicos propios suficientes que lle permitan a súa independencia así como a titularidade ou aluguer do seu domicilio habitual.

En caso contrario, e sempre que os ingresos acreditados resulten inferiores aos gastos soportados en concepto de vivenda e outros gastos considerados indispensables, entenderase non probada a independencia polo que para o cálculo da renda e patrimonio familiar a efectos de axuda ao transporte computaranse os ingresos correspondentes aos membros computables da familia a que se refiren os apartados 1 e 2. deste artigo.

Tratándose de estudantado independente ou que forme parte de unidades familiares independentes, entenderase por domicilio familiar aquel no que o alumno habite durante o curso, por coincidir nestes casos a residencia do estudante durante o curso co seu domicilio familiar.

A **independencia familiar** acredítase mediante un padrón distinto ao dos proxenitores nun domicilio propio, en propiedade ou aluguer, solo ou compartido, e que non pertenza a ningún familiar ata o 4º grado de consanguinidade ou 2º de afinidade.

A Universidade da Coruña (UDC) poderá denegar esta axuda ou revogala no caso de que se apreciaren ou detectaren unidades familiares que xustifiquen uns ingresos que obxectivamente están por debaixo do nivel de gastos, se non acreditaren os medios de vida cos que contan.

ALEGACIÓN DE INDEPENDENCIA FAMILIAR

Aquel alumnado que alegue independencia familiar e económica deberá acreditar documentalmente esta circunstancia, os medios económicos cos que conta e a titularidade ou aluguer do seu domicilio.

Para determinar os medios económicos utilizarase como referencia o Indicador Público de Renda de Efectos Múltiples (IPREM) que anualmente aproba o Goberno. Para telo en conta, deberá cumprir cando menos estes requisitos:

- a)** Demostre a titularidade ou o aluguer do seu domicilio.
- b)** Que leve empadroadado nese domicilio cando menos todo o ano 2018.
- c)** Tivera, como mínimo, os ingresos anuais por renda no ano 2018 que marca o IPREM (Indicador Público de Renda de Efectos Múltiples).



ANEXO II

DOCUMENTOS OBRIGATORIOS QUE HAI QUE PRESENTAR COA SOLICITUDE DE AXUDA PARA TRANSPORTE URBANO PARA UNIVERSITARIOS

1. Documentación obrigatoria:

- Fotocopia do DNI do solicitante e dos membros da unidade familiar maiores de 14 anos (se son menores de 14 anos e non dispoñen do DNI: fotocopia Libro de Familia)
- Certificado de convivencia conxunta/ padrón municipal da unidade familiar vixente.

2. Documentación Económica:

A UDC cruzará datos coa AEAT de todos os membros computables da unidade familiar.

No caso de non ter a obriga de presentar a declaración da renda, e non haxa datos de imputación na AEAT deberá achegar, segundo sexa o caso, documentación xustificativa dos ingresos:

- Certificado de imputación de renda expedido polo organismo similar a Axencia Tributaria correspondente ao exercicio 2018, no caso de teren ingresos no estranxeiro
- Certificado expedido pola Seguridade Social dos períodos de cotización e certificados de haberes e retencións dos mesmos.
- Certificado de prestación e subsidios de desemprego.
- Documento da/s entidade/s bancarias no que consten os rendementos de capital mobiliario e ganancias e perdas patrimoniais percibidas durante o ano 2018.
- No caso de seren pensionistas copia do xustificante anual da pensión ou pensións.
- Fotocopias dos recibos da contribución urbana e rústica do exercicio 2018, excluída a vivenda habitual, de non ter datos no Catastro

De proceder, achegar tamén:

- Copia da sentenza de separación ou divorcio e convenio regulador
- Copia da acta de constitución de sociedades e do imposto de sociedades así como o resumo anual dos impostos sobre o valor engadido (IVE).
- Xustificación da situación que da dereito a algunha das deducións establecidas nesta convocatoria.

Tarxeta Xoven para o transporte interurbano.

O alumnado que inicie estudos universitarios e sexa menor de 19 anos poderá solicitar a TMG *Xente Nova* a través da seguinte ligazón: <https://tmg.xunta.gal/xente-nova-que-e> que permite realizar todas as viaxes interurbanas gratuítas. Unha vez que cumpra os 19 anos poderá seguir usando a tarxeta ata que se esgote o saldo.

O alumnado afectado por esta circunstancia terá a obriga de lle comunicar á Sección de Bolsas a data en que esgotou as viaxes para activar a outra TMG.

A Universidade da Coruña (UDC) convoca as presentes axudas de transporte dirixidas a facilitar o estudo ao alumnado desta universidade de acordo co artigo 45 da Lei Orgánica 6/2001 do 21 de decembro de Universidades así como co artigo 63 dos seus Estatutos.